



DEPORTE
GALEGO

CAMPIONATO AUTONÓMICO SALMÓNIDOS MOSCA XUVENTUDE COUTO DE FORCAREI, RÍO LEREZ

20 XUÑO do 2026

PROGRAMA

09:00 horas Recepción dos participantes no escenario. Control de temperatura corporal.

Sorteo de dorsais e entrega de documentación

10:00 “ Inicio da primeira manga.

13:00 “ Fin da primeira manga.

DESCANSO

15,30 “ Inicio da segunda manga

18,30 “ Fin da segunda manga

19:15 “ Entrega de plicas.

Feita e confirmada a clasificación, entrega de trofeos e peche da competición.

BASES

Os deportistas só poderá ter unha cana en acción de pesca. Non obstante, poderán dispoñer dunha ou máis canas de reposto.

Para a extracción da captura e a súa posterior presentación ao control, deberán facer uso dun redefol ou trueiro, cuxa lonxitude totalmente estendida non supere os 122 cm. A rede desta deberá ser de algodón ou outro material non abrasivo.

A adxudicación dos tramos farase por sorteo, feito en tempo e forma, para garantir a chegada a tempo de tódolos deportistas aos seus respectivos tramos, para iniciar a proba.

A reunión do Pescador co control farase xunto á táboa que sinale o inicio do tramo, augas abaixo.

Serán válidas tódalas capturas. Aquelas que medidas dende a punta do fociño ata a punta do lóbulo da aleta caudal, midan 16 ou menos centímetros, contabilizarán todas coma capturas de 16 centímetros. As que superen os 16 ata os 17 centímetros, contabilizarán coma capturas de 17. As que superen os

Federación Galega de Pesca e Casting

www.fgpesca.org

federacion@fgpesca.org



DEPORTE
GALEGO

17 ata os 18 contabilizarán coma capturas de 18 centímetros, e así sucesivamente.

Material permitido:

Canas. Libres, de uso comercial, cuxa lonxitude non exceda de 366 cm. (12 pes).

Carretes. De uso opcional sexa manual ou automático, de bobina xiratoria.

Liñas. Cola de rata de calquera composición ou forma das habituais do mercado, cunha lonxitude mínima de 22 metros e cun diametro minimo de 0,55 mm incluíndo o recubrimento.

Permítese:

- O uso de liñas flotantes e de afundimento
- Ao final da liña o uso dunha lazada para conectalo baixo de liña.
- Baixos de Liña. Sinxelos, de lonxitude como máximo de dúas veces a lonxitude da cana, anoados ou sen nós, e cónicos ou cilíndricos. Non se poderán engadir ao baixo de liña mecanismos de afundimento ou flotación. Os baixos de liña non poden ter elementos adicionais adheridos ao mesmo distintos aos codais nos que se aten os reclamos. Estes codais deberán ir fixados ao baixo de liña, anoados ao mesmo ou mediante micro argolas ríxidas sen sobranse algún, e deberán ter una lonxitude mínima de 5 cm. dende o baixo de liña ata a argola ou paleta do reclamo empregado (mosca, streamer, etc...). Os codais dos reclamos fixaranse ao baixo de liña de modo que non poidan deslizarase ao longo do mesmo.
- Cebos (Moscas). Autorízanse o “streamer” e as moscas artificiais flotantes ou afundidas que imiten calquera das fases do ciclo vital do insecto imitado (larva, ninfa, sub-imago e imago), montadas sobre anzois simples.
- As moscas lastradas, sempre e cando o lastre quede oculto polo revestimento, que debe imitar algunha parte morfolóxica, ou formar parte da súa propia estrutura. O revestimento por pintura non se considera como tal. Autorízase unha única perla ou boliña visible cuxa dimensión máxima non exceda de 4 mm.
- Un máximo de tres moscas: Cando se empregue mais dunha, a distancia mínima entre moscas será de 50 centímetros, medidos cando estas colguen libremente.

Non se permite:

- As cabezas disparadoras ou lanzadoras.
- Engadir pesos e dispositivos ou materias flotantes ás liñas de pesca nin indicadores de picada.
- O uso de liñas de corpo chumbado.
- Os enganos que desprendan colorantes ou olores.



DEPORTE
GALEGO

- O anzol con arponciño ou rebaba. Son válidos os anzois que teñan totalmente inutilizado o arponciño ou rebaba, de modo que non ofrezan resistencia algunha á retirada do anzol.

Ao longo da proba, calquera control pode pedir o exame dos aparellos de pesca dun pescador. O deportista que abandone a proba ou a acción de pesca, antes da hora oficial, perderá o seu dereito á clasificación e a continuar na proba.

Para participar é imperativo estar en posesión da licenza federativa e de pesca fluvial en vigor. Asemade, os clubs polos que participen os deportistas deberán de estar ao corrente das súas obrigas coa Federación Galega de Pesca e Casting.

Para que esta competición se desenvolva deberá de haber un mínimo de 8 participantes.

Os integrantes da selección galega de Salmónidos Mosca Xuventude 2027 serán seleccionados entre os participantes.

Os deportistas inscritos non poderán ter unha idade de menos de 12 anos nin de máis de 18. Para calquera outra norma non descrita anteriormente aterémonos ao que resolva o xuíz da competición ou o Comité da Proba.

Alterar ou entorpecer o normal desenvolvemento da proba será motivo de expulsión inmediata da mesma. Elevarase acta da competición ao Comité de Disciplina que, de ser o caso, actuará de oficio.

A data linde das inscricións é o 11 de xuño de 2026 ás 14,00 h. As inscricións cómpre facelas exclusivamente ao correo delegadopontevedra@fgpesca.org

Coidar o medio ambiente é unha responsabilidade común. Ao remate da segunda manga, tanto pescadores coma controis, deben recoller tódolos materiais de sinalización dos tramos. Os materiais recollidos deben ser entregados á organización ou depositados no colector do lixo máis próximo.

Inscribirse nesta competición significa aceptar ser incluído no grupo de wassap da mesma sen solicitude previa de autorización. Isto tamén inclúe aos acompañantes dos menores.

**Asinado: D. Juan Ramiro Agra Requeijo
Presidente do Comité de Salmónidos da FGPeC**